

Сталинец

ВКП(б)-лэн Удмуртской АССР-ысь Иж райкомезлэн но райсоветлэн органзы.

6-тй арзэ
потэ.

№ 103 (697)

8 декабрь 1940 ар

Дуныз 5 коп.

Всесоюзной сельскохозяйственной выставкалы дасяськоно

Партилен но правительстволэн решенизыя Всесоюзной сельскохозяйственной выставка, кызы тодмо, 1941 арын но луоз. 1939—1940 ар'ёсын выставка, социалистической сельской хозяйстволэн вормон'ёсызлэн демонстрациеныз валче, возматиз сое но кыче неисчерпаемой луонлык'ёсты возе ас пушказ асьмелэн сельской хозяйствомы, куд'ёссэ уже кутон обеспечивать каре азыланьын эшшо но жог жутсконэз солэн вань отрасльёсызы. 1941 арын выставканын участвовать карыны право басьтыны понна вольдем социалистической соревнование колхоз'ёсты юнматыны но жутыны туж трос юрттыз.

Асьме районьсь колхоз'ёс туэ арын бад'зым азинскон'ёс басьтыз урожайностез выль жутонь но общественной пудо вордонэз паськытатонь. Сельскохозяйственной уж'ёс туэ арын, кылем ар'ёсын сярьсь, выль агротехнической уровеньын ортчытэмын. Районьсь тросэз колхоз'ёс государстволы сельскохозяйственной продукт'ёсты сётонэн быдэсак рассчитаться кариськызы. Ожыт өвёл сыче колхоз'ёс но, куд'ёсыз добиться кариськызы урожайността выль показательёсты, куд'ёсыз тупатэмын выставканын участвовать карыны. Красинлэн нимыныз нимама колхоз арлы быдэ тысё юослэсь выль урожайзэс басьтэ, нош туэ арын, шорлыдын вераса, гектар выльсь быдэн 120 пудлэсь но трос нянь басьтыз. Сю пуд'ем урожай басьтыз «Новая крестьянка» колхоз. Ленинлэн нимыныз нимама колхозын тысё юос'я урожай 4 ар чоже ини шорлыдын вераса гектарысь быдэн 14 центнер луэ. Сельской хозяйстволэн организатор'ёсыз но мастер'ёсыз — стахано-

вец'ёс будызы. Тракторист'ёс Семенов, Иванов, Христоволова эш'ёс стахановской ужлэсь зэмос образец'ёссэ возматизы. Соос тракторной уж'ёслэсь планзэс сентябрь толзэе ик быдэсак йылпум'язы. Красинлэн нимыныз нимама колхозэн кема ар'ёс чоже азинлык кивалтэ Шутов эш. Колхозэз юнматон ужын солэсь заслугаосэ пусыса, УАССР-лэн Верховной Советэзлэн Президиумез Шутов эшез Почетной Грамотаен наградить кариз.

Али задача луэ со бордын, чтобы азымынись колхоз'ёслэсь но азымын'ёслэсь организатор'ёслэсь опытсэс обобщить карыны, соосты вань колхоз'ёслэн достояниенызы карыны но азымын'ёссэ 1941 арын Всесоюзной сельскохозяйственной выставканын участвовать карыны понна отбор лэсьтыны. Озы ке но та уж ласянь туж ожыт лэсьтэмын. Туннэ нуналлы кулэ документ'ёс одиг фермалы но 5 мурт умой скал кыскисьёслы гинэ лэсьтэмын, куд'ёсыз озы ик та дыроз районной советлэн исполкоменыз кандидатэн өвёл на юнматэмын. Озы тини выставканын участвовать карыны кандидат'ёсты отбор лэсьтон райземотделэз ноконя но беспокоить уг кары, кудйзлэн кивалтисьёсыз Усков но Юминов эш'ёс, та ужлы саклык вис'ямтэзэс тодыса но таке бад'зым ужез организовать карон понна нокыче ужрад но уг кудо.

Асьме районмылэн быдэсак луонлыкэз вань выставкаын участвовать карыны право басьтыны. Со понна одно ик котькуд колхоз'я укомплектовать кароно пудо вордон фермаосты, нимысьтыз ик скал но парсь вордон фермаос'я, куд'ёсыз шодськымон бере кылё.

Пудо вордонэз паськытатон понна нюр'яськыны

Колхоз'ёсын общественной пудо вордонэз паськытатон сярись СССР-лэн Совнаркомезлэн но ВКП(б)-лэн ЦК-езлэн постановленизылэн потэм дырысеныз арлэсь но трос ортчиз ини.

Козловской сельсоветысь колхозной крестьянство, партийной но непартийной большевик'ёс та постановление потэм бере общественной пудо вордонэз паськытатонь бад'зым уж лэсьтыз.

Татын 7 колхоз'ёсын 29 ферма кылдытэмын, со лыдын скал вордон ферма 7, парсь вордон ферма — 7, ыж вордон ферма — 7, гурт тылобурдо вордон ферма 8.

Пудо вордонэз паськытатонлы бад'зым саклык вис'я Козловской сельсоветлэн исполкомезлэн председателез Загуляев эш, умой ужа МТФ-лэн заведующеез Кочурова эш, кудйз 1940 арын государстволы йёл сётон планэз «16 лет октября» колхоз'я октябрь толзэе ик быдэстиз, нош азыыл та колхоз йёл сётон планэз арысь аре уг быдэс'я вал.

Умой ужа Ленинлэн нимыныз нимама колхозысь первичной парторганизация (парторганизацилен секре-

тарез Коростин эш) но колхозлэн председателез Кунгуров эш. Кунгуров но Коростин эш'ёс ажзэс озы пуктыны быгатизы, что татын муз'ем площадьлэн соответствиэ'я ваньмыз фермаос укомплектовать каремын.

Фермаосты укомплектовать карон планэз быдэстиз «Диктатура» колхоз но. Колхозлэн правлениез 22 ноябрьсен 1 декабрь гинэ колхозник'ёслэсь басьтыз 5 скал, 6 ыж, 10 курег.

Козловской сельсоветысь партийной, советской организациослы но колхоз'ёслэн правлениеослы бад'зым саклык вис'яны кулэ вал вордонлы. Вал'ёслэн лыдзы план'я «Броневик» колхоз сян одиг колхозын но тырмыт өвёл. Азыланьын асьмелы вань пудо вордон фермаосын пудоез но тылобурдоез шонер судыны кулэ. Та уж жутысал пудолэсь продуктивностьэ но соин чош ик пудо сионэз рационально расходовать карыны луысал.

В. МОХОВ,

ВКП(б) райкомлэн инструкторез.

Сталинской Конституцилэсь нуналзэ праздновать карон

Асьме странаысь трудящейсь шумпотыса гумитазы вань калыклэсь праздниксэ — Сталинской Конституцилэсь нуналзэ.

Москвалэн предприятиосаз, учреждениосаз, учебной заведениосаз, клуб'ёсаз торжественной вечер'ёс ортчытэмын.

Сталинлэн нимыныз нимама автозаводлэн культуразлэн дворецаз трос калык'ем костюмированной бал ортчиз. Бад'зым праздничной бал озы ик вал железнодорожник'ёслэн культуразылэн центральной корказ.

Пионер'ёслэн Московской корказы торжественной сбор ортчиз. Пионер'ёс доры СССР-лэн Верховной Советэзлэн депутат'ёсыз но столицалэн знатной адямиосыз лыктызы.

Иностранной телеграммаослы обзор

Котькуд нуналэ ик, 1 декабрьсен кутскыса, германской авиацилен налёт'ёсыз английской портовой но промышленной город'ёс выль бад'зымесь луизы. Тужгес кужмо бомбардировка'улэ шедиз Саутгемптон. Официальной агентстволэн верамез'я, город быдэсак куашкатымын. 5 декабре чукна но жытазэ но германской самолет'ёс пёртэм каллибро бомбаос куштылызы Лондон но южной Англилен одиг портовой городэз выль.

Английской авиация азыыл сямен ик бомбардировать кариз Германилэсь военной объект'ёссэ но немец'ёсын оккупировать карем территория выльсь порт'ёсты. Та арня кустын самой кема кыстыськысь налет лэсьтыз англичан'ёс 5 декабре потон уй. Бомбардировкаослэн объектэнызы вал Дюссельдорф германской город. Кызы ивортэ Рейтер английской агентство, английской самолет'ёс сое атаковать каризы 12 час чоже вискарытэк.

Та берло нунал'ёсы германской подводной флот, кудйз оперировать каре Атлантической океанлэн северной локетаз, нападениосэ кужмоятиз английской судноослэн караван'ёсы выль. Германской сведениос'я, 2 декабре 15 английской торговой пароход'ёс но конвойлэн составысьтыз вспомогательной крейсер выйтэмын вал.

Американской но английской печатьёслэн ивортон'ёссыя, США-лэн правительствеоз уже кутэ вань луонлык'ёсты со понна, чтобы юрттыны Англилы солэн торговой флотэзлэсь ыштон'ёссэ берыктыны. Кызы тодмо луиз, Соединенной Штат'ёс Англилен распоряженияз сётизы ини асьсэлэсь 150 торговой суднооссэс.

Итапо-греческой войналэн фронт'ёсаз инициатива грек'ёслэн князы кыле на. Озы тини, куазьлэн кезь-

Горькийлэн нимыныз нимама культуралэн Ленинградской корказ бад'зым вечер ортчиз таке темаен: «СССР 16 союзной республикаослэн великой содружествозы».

Алма-Ата, Баку, Фрунзе но мукет город'ёсын массовой спортивной состязаниос ортчизы. Ташкентын 25—35 километр'ем военизированной походын 7 сюрс егит'ёс но ныл'ёс участвовать каризы.

Вань калыклэн торжествоезлы пёрмиз Сталинской Конституцилэсь нуналзэ праздновать карон выль Советской республикаосын. Аккерманьсь трудящейсь та знаменательной датаез пусызы демонстрациен, кудаз участвовать каризы 15 сюрс мурт. (ТАСС).

ыт луэмез но мур лымы грек'ёслы азылане мыныны локето. Та дыре со тужгес каллен мынэ.

«Таймс» английской газетлэн корреспондентэз гожтэ, что итальянец'ёс греческой фронтэ ысто подкрепленос но первоклассной войскоос. Та выль отборной войскоослэн задачазы луэ со бордын, чтобы задержать карыны греческой кужым'ёслэсь наступлениез.

Японской правительствеоз, Япония но СССР-лэн полпредэз Сметанин эш вамен Советской правительствеоз тодытиз, что договорлэн куиньметй статьяез, кудйз заключить каремын Япония но Ван Цзинвей куспын, кудаз вераське коммунизмен нюр'яскон сярись, нокызы но өвёл шонертэмын СССР-лы пумит но нокыче влияние иметь уг кары Японилэн аслэсьтыз СССР-ен отношенизэ тупатон мылкыдызлы.

4 декабре Сметанин эш Японилэн иностранной уж'ёсыз'я вице-министр г. Охаси доры ветлиз но советской правительстволэн нимыныз заявить кариз, что Япония но Ван Цзинвей куспын заключить карем договорлэн куиньметй статьяез сярись японской правительствеоз заявленизэ лыдэ басьтоз.

Советской правительствеозу ик кулээн лыд'я заявить карыны, что советской правительстволэн Китай пумысен политикаез выштыськытэк кылэз.

Таи но Французской Индо-Китай куспын конфликт та дорозь мирно разрешить каремын өвёл на. Пограничной войскоослэн стычкаоссы мыно. Кызы ивортэ Юнайтед Пресс американской агентство, Таилэн печатез Французской Индо-Китайлы пумит тужгес но кужмо действиос кутыны кура. (ТАСС).

ИВОРТОН

ВКП(б)-лэн Ижевской райкомез ивортэ, что 1940 арын 17 декабре 10 часын чукна ВКП(б)-лэн райкомезлэн пленумез луоз.

Эскерон ужпум'ёс:

1. Партие кутон сярись отчет (докладчик Стрелков эш).
2. Кадр'ёсты воспитывать, подбирать карон но дасян сярись (докладчик Корняев эш).
3. Сельскохозяйственной арлэн итог'ёсыз но 1941 арын тулыс ю

кызёны дасяськонлэн мынэмез сярись (докладчик Усков эш).

Пленуме лыктыны кулэ ВКП(б)-лэн райкомезлэн пленумезлэн вань член'ёсызы но кандидат'ёсызы, первичной парторганизациослэн секретар'ёссылы но кандидатской группослэн парторг'ёссылы.

ВКП(б)-лэн Ижевской райкомезлэн секретарез

К. Стрелков.

„Сталинец“ газетэз лыдзисьёслы но рабселькор'ёслы

«Сталинец» газетлэн редакциез воштыськыиз мукет помещение. Редакцилен выль адресэз таке:

Ижевск, Пастуховлэн ульчаез, 13, печателэн Домез, 1-тй этаж, 7 номеро комната.

1941 арын пудолы но гурт тылобурдолы перепись

Пудолы но гурт тыло-бурдолы Всесоюзной перепись ары быдэ 1-тй январь ортчыйське.

Переписьлэн задачаеныз луэ: орточем арын пудо вордон'я планлесь быдэсеммэз эскерон но азыланьын пудо вордонэз пасыкытатон но юматон, пудолесь но гурт тылобурдолесь лыдзэ точно тодон.

Пудолы перепись асьме социалистической хозяйствоез юматонлы туж бадзым политической значение бастэ но пудо вордонлэн состояниезлы смотр кадь ортчыйське.

Уоно перепись дыр'я пудо но гурт тылобурдо но лыдэ бастысь гурт но, тылобурдо колхоз'ёсы гинэ лыдэ бастыськоз, кудыз возматоз соослесь колхозысь ог'я лыдзэс.

Партилен но правительстволэн

пуктэмез'я пудолы но гурт тылобурдолы перепись мыноз 1941 арын 1-тй январьсен 8 январозь.

Кооперативной но колхозной хозяйствоез 25 декабрьлесь бере кылытэк пудолы инвентаризация лэстыонэз быдэстоно но пудолы перепись лэстыон нуналэз умой показателёсын пумитано.

Пудолы переписез умой орчытыны понна коткуд сельсоветын советской, колхозной актив пöлысь бригада содействия кылдытоно.

Сельсовет'ёслэн кивалтисёсымы лыдэ бастыно, что пудолэн лыдыз'я точной даннойёс бастыны быгатом но партилесь но правительстволесь заданиэ данлыко быдэстом та бадзым ужын вань колхозной массаослэн активно участвовать каремзы улсын гинэ.

Р. Мякишева.

Гожтэт тодымтэосты дышетон уг мыны

Та нунал'ёсы народной образованилэн районной отделэз школаослэн директор'ёсынызы, заведующийёсынызы, сельком'ёсын но избач'ёсын совещание орчыйтэ. Нимысьтыз эскерон ужпумен вал гожтэт тодымтэосты дышетон сярись.

Совещание пусйиз, что гожтэт тодымтэосты но ожит тодысьёсты дышетон районнм ляб мынэ. 1 декабрь азелы 2458 мурт гожтэт тодымтэос пöлысь 436 мурт гинэ дышетске. 1200 мурт ожит гожтэт тодысь пöлысь 156 мурт гинэ дышетске.

Куд-огез дышетисёс гожтэт тодымтэосты дышетон бордын данлыко рольэс өвөл валаллям на. Озы, Лудорвайской средней школысь дышетисёс гожтэт тодымтэосты дышетыны өз кутскылэ на.

Дышетскон мынымтэлесь мугзэ соос валэктыны туртско гожтэт тодымтэослэн ветлымтэенызы. Лыд'яло, что соослэн ужзы лыктыса занятие орчыйтон бордын гинэ.

Гожтэт тодымтэосты дышетонлэн азинлыкес колхоз'ёслэн председателёсы бордын, куд'ёсыз та ужез пуктон понна вань ответственностез нуыны кулэ. Озы ке но, колхоз'ёслэн куд-огез председателёсы та ужлы туж ожит саклык вис'яло. Кылсярысь, «Ударник» колхозлэн председателез Иванов эш ужаны юрттэм интые локетэ гинэ: тетрадьёсты уг сёты, клуб, кудаз гожтэт тодымтэос дышетскыны кулэ, уг эстылсыйкылы но мукет.

Умойгес уж мынэ Юськинской сельсоветын. Татын гожтэт тодымтэос пöлысь 92 процентэ дышетско.

А. Лопатин.

Прокуратураын

Прогульщик'ёсты ватисёс

Ижевской районсы куд-ог председателёслэн но учреждениослэн кивалтисёсы СССР-лэн Верховной Советэзлэн Президиумезлэз 1940 арын 26 июне поттэм Указзэ уг быдэс'яло.

Озы, Сов-Никольской сельполэн продавецез Стерхов юкыса ужысьтыз трос пол жыны кошкылэ. Сельполэн правлениезлэн председателез А. Р. Стерхов та прогульщикез судебной ответственность улэ өз кыскыты. Со отпуске потыкуз ас интыяз заместителе И. И. Стерховез кельтэ. Нош Стерхов продавец та дыр'я но безобразности нуэмьс өз дугды. Озы ке но со судебной ответственность улэ кыскемын ой вал.

Та уж борды прокуратуралэн кутскемез бере прогульщик но сое ватисёс осудить каремын: А. А. Стерхов продавец — 3 толзэ чоже исправительно-трудовой уж'ёслы, солэн уждуньсытыз 20 процентсэ отчислят карыса, А. Р. Стерхов сельполэн председателез — 6 толзэ чоже солэн уждуньсытыз 25 процентсэ отчислят карыса но И. И. Стерхов (сельполэн правлениезлэн председателезлэн заместителез) — 5 толзэ чоже исправительно-трудовой уж'ёслы солэн уждуньсытыз 20 процентсэ отчислят карыса.

Ижевской райлесопунктлэн начальниез Бывальцев ватиз Бессолов десятиклэз прогул лэстыэмзэ. Прогул сярись факт прокуратурае ивортэмын вал Пушин эшен.

Прокуратура Бывальцевлэз но Бессоловлэз янгыш луэмзэс установить кариз.

Бессолов десятик осудить каремын 6 толзэлы исправительно-трудовой уж'ёслы солэн уждуньсытыз 25 процентсэ отчислят карыса.

Бывальцевлэн ужез прокуратураен учкыса быдэстэмын но судэ сётэмын.

Озы ик Заречной лесопунктлэн начальниез Кайков, Дедюхин, Эсенкулов но Каргашина прогульщик'ёсты ватиз.

Кайков вылэ уж прокуратураен учкыса быдэстэмын но судэ сётэмын.

А. Петухов,

Ижевской районлэн прокурорез.

Кызы чунны луоно эрвал'ёсты утылтоно

Вал йырлыдлэн азыланьын будэмез коткуд чунны луоно эрваллэз таза чунныз бастыно но сое ваньзэ утылтон бордын.

Чунны луоно эрвал'ёсты утылтон'я элементарной правилоосты уже кутымтэен сэрэн куд-ог колхоз'ёсын али ик чунны куштон случайёс вань ини. Кылсярысь, Советско-Никольской сельсоветысь, «Интернационал» колхозын (колхозлэн председателез Пушин) кык чунны куштон случай вал ини, кыкез ик травматическоез (секут ужамен сэрэн). Чунны куштон случайёс вань Ягульской сельсоветысь «10 лет УАО» (председтелез Ядыгаров), «Коминтерн» (председателез Карачев), «16 лет октября» (председателез Кочуров) колхоз'ёсын но.

Чунны луоно эрвал чунны медаз кушты шуьса утылтон'я вань правилоосты уже кутыно, шонер сюдоно, утылтоно.

Партилен но правительстволэн решениыя чунны луоно эрвал'ёсты чунныамезлэз азыыл 6 толзэ азыыл вань секут уж'ёслэз мөз-

мытоно, чунны луэмезлэз 2 толзэ азыыл но 15 нунал чунныез луэм бере, — коткычэ уж'ёслэз мөзмытоно.

Чунны луонлэз 6 толзэ азыыл эрвал'ёсты секут ужлэз мөзмытыса травматической аборт'ёс ожит луозы. Та дырын чунны луоно эрвал'ёсты капчи уже гинэ кутыно. Умой сюрес вылтй, капчи уже кутыса плод мумизлэн пушказ умой будэ.

Чунны луоно эрвал'ёсты мукет ужась вал'ёслэз нимаз возёно умой, трос подстилка вöдоно. Валлэн гидэз луыны кулэ эркин, югыт. Сюдоно суткалы 5—6 пол. Люктано шунит вуэн. Чунны луоно эрваллэз минеральной сионэн (сылал) сюдон бадзым пайда сётэ, кудзэ суткалы 20—40 грамм сётэно.

Чунны луоно эрвал'ёсты утылтонин но сюдонын та элементарной правилоосты уже кутыса гинэ быгатыны луоз чунныано эрвал'ёслэз коткудйзлэз таза чуннызэ бастыны.

Г. Чернов,

райзолэн зоотехниез.

Актив — колхоз правленилэн опораез

Бере кылись колхоз'ёсын вистэк вош'яскыло правлениеслэн председателёсы. Одыгзэ вошто ужзэ пыр-поч пуктымтэ понна, мукетэ — колхозник ёслы грубо обращаться карискемез понна, куиньметизэ — рвач'ёсты но лодыресты ватыса воземез понна. Тросэз кошко «висьыса»; та адымиос, ужез кивалтыны асысьлы асыськоз уг оско ни но кутско жаловаться карискыны «тазалыксы сярись»: сюлмысь, пе, ужасалмы но тазалыкмы өвөл.

Нош ведь, та адымиос гуртын берло адымиос өвөл. Асысь ужзылэн нырысь нунал'ёсаз соос умой ужаны тыршо но вань кужымзэс поно солы, чтобы колхозын ужез умой пуктыны. Кизён, октон-калтон, кутсасккон дыр'я та эш'ёс чукнаысен жытозь сюлворо, участокысь участоке ветло, распоряжаться кариско, советовать каро, нош кытй асыськоз пуксё лобогрейка вылэ, аран машинае яке вилка куты, лопат куты... Нош уж уг азылафскы.

Адзыса, что номыре но уг поты, таце председатель яке киоссэ лэзе, яке «адымиос шоры кесяскыны» кутске, адымиосты коткызы тышкыске, соосты кышкатыны кутске портэм караосын.

Малы со озы? Сонн, что таце кивалтись вань ужез ас вылаз гинэ

бастэ, аслыз гинэ оске и вунэтэ, что если со подбирать өз ке кары но кужымез'я воспитать өз ке кары активной помощик'ёссэ, колхозной производстволэс организатор'ёссэ но мастер'ёссэ, быдэс сутка чоже сугитысь карискыса но номыре но уз поты.

Адыми сюлмасыке, солэн умой малпан'ёсыз но кылдо, нош «подручнойёс» өвөл, актив өвөл кылдытэмын, опираться карискыны нокин вылэ но уг луы.

Ма карыны быгатоз колхозлэн председателез, если бригадир'ёс, животновод'ёс но мукет низовой организатор'ёс, куд'ёсыз ужало калык пöлын, подобрать каремын кызы ке шедем озы но соос пöлын куддыр'я лодыр'ёс но очковтирательёс но сюрон дыр'я?

Чапак бере кылись колхоз'ёсын, куд'ёсаз председателёс туртско ваньзэ лэстыны асыськоз, сонн низовой кадр'ёсты подбирать каронлы нокычэ значение уг сето, чем дыр'я бригадир'ёсын, фермаослэн заведующийёсынызы, кладовщик'ёсын, мельник'ёсын, огородник'ёсын но мукет'ёсыныз луо та уж понна ожит тодысь, чик тупамтэ мурт'ёс.

Азымынйсь колхоз'ёсысь колхозник'ёс, куд'ёсыз ветлылызы Москвае, сельскохозяйственной выстав-

кае, рассказывать каризы асыськоз вожак'ёсы сярись, соку чем дыр'я кылыны луэ вал таце кыл'ёсты:

— Правление котыре юн актив кылдыты.

Горьковской областысь, Сергачской районн, «Красный Восток» колхоз вань. Кемалась ик өвөл, куинь ар талэз азыыл, со районнм бере кылись колхоз'ёс пöлысь одигеныз вал. Нош табере со юнмаз, сясыкаяскыиз, мукет'ёсыз колхоз'ёс солы табере вож'яско, солэсь дышетско.

Та колхозлэн председателез Гусев эш сярись колхозник'ёс тазы верало:

— Ас котыраз локаз ог дас вить мурт умой колхозник'ёсты но соослы аслэстыз вань малпан'ёссэ, план'ёссэ валэктэз и табере солэн кыкпал ласянь ик зарни помощник'ёсыз. Ужез солэн мынэ шулдыр, капчи.

Озы ке но, кадр'ёсты шонер подбирать карон — со сыче задача өвөл, кудзэ мед луоз вал жог гинэ быдэстыны. Куд-ог дыр'я та ужын туж трос лэзиске чванство но легкомыслие! «Татын мед уло но адымиосты медам тоды? — Озы расуждэть каре куд-огез председателёс яке партийной организацилен секретарез. — Мон татын вордски, татын будй, коткудзэ пыр-поч то-

дйско». И луылэ озы, что бадзым уже выдвигать каре болтун'ёсты, азытэм'ёсты нош куд-дыр'я нечестной адымиосты, куд'ёсыз понна личной интерес'ёс общественнойёсызлэз вылингес луо. Нош колхозной улонэ умой-умой вникать карид ке капчиен шедьтыны луоз дасоосын лыд'яскысь синмаскымон адымиосты, куд'ёсыз жожен быгатозы первоклассной вожак'ёсын луыны.

А. Снегов.

1941 арлы „СТАЛИНЕЦ“ газетлы дыраз гожтискыны эн вунэтэ!

„Сталинец“ газет потэ кык изданиен: удмурт кылын но зуч кылын.

Газет арналы кыкпол потэ. Газетлэн дуныз: 1 толзэлы — 45 коп., 3 толзэлы — 1 манет но 35 коп., 6 толзэлы — 2 манет но 70 коп., арлы — 5 манет но 40 коп.

Газетлы гожтискыны луэ ваньмаз почтовой отделениосын но связьлэн агентствосаз, письмоносец'ёс дорын но Ижевск городын союзпечатьлэн горбюроз.

Отв. редактор В. АЗИМОВ.